



Маҳалла

ШАНБА

2014 йил 25 январь,
№9 (976)

www.mahallagzt.uz info@mahallagzt.uz

КУЧЛИ ДАВЛАТДАН — КУЧЛИ ФУҚАРОЛИК ЖАМИЯТИ САРИ

Фуқаролар йиғинларига сайловлар

демократия тамойиллари асосида ўтказилди

Ўтган йилнинг ноябрь-декабрь ойларида мамлакатимиз бўйлаб фуқаролар йиғинлари раислари ва уларнинг маслаҳатчилари сайловлари бўлиб ўтди. Мазкур жараён натижалари юртимизда фуқаролар фаоллигининг ошириш борасида демократик янгилашлар самарадорлигининг яққол тасдиғидир.

■ **Светлана ОРТИҚОВА,**
Ўзбекистон Республикаси
Олий Мажлиси Сенатининг
Қонунчилик ва суд-ҳуқуқ
масалалари кўмитаси раиси.

Мустақилликнинг илк кунларида-ноқ Ўзбекистон босқичма-босқич иқтисодий-ижтимоий, сиёсий ислохотларни амалга оширишга киришди. Олиб борилган кенг микроскоп чора-тадбирлар бугун тараққиётнинг «ўзбек модели» нечоғли тўғри ва ҳаётий эканлигини амалда намойён этиб, дунё ҳамжамиятининг эътирофига сазовор бўлди. Зотан, бу модель давлат ва жамият ҳаётини тарихан шаклландирган миллий ўзига хослик ва илгор ривожланган мамлакатлар тажрибаси асосида ислохот қилишга йўналтирилган бўлиб, тарихий қадриятлар, ижтимоий-иқтисодий, сиёсий соҳанинг мавжуд ҳолати ҳамда аъёнлар, турмуш тарзи асосида демократик ҳуқуқий давлат қуришни мақсад қилган.

Маҳалла асрлар довомида шаклланиб, бизгача етиб келган фуқаролик жамиятининг ноёб институтидан ҳисобланади. Мустақил Ўзбекистонда маҳалла «Кучли давлатдан — кучли фуқаролик жамияти сари» бош тамойилини рўйбга чиқариш, инсон манфаатларига йўналтирилган бозор иқтисодиётини шакллантиришда кам таъминланган аҳоли қатламини манзилли ижтимоий қўллаб-қувватлашни таъминлашда муҳим омилига айланди. Истиқболнинг илк йилларида маҳаллани ривожлантиришнинг ҳуқуқий асослари шакллантирила бошланди. Хусусан, «Фуқароларнинг ўзини ўзи бош-

қариш органлари тўғрисида»ги, «Фуқаролар йиғини раиси (ақсоқоли) ва унинг маслаҳатчилари сайлови тўғрисида»ги қонунлар қабул қилинди.

Фуқароларнинг ўзини ўзи бошқариш ва уларнинг маҳаллий аҳамиятга молик масалаларни ўз манфаатлари, ривожланишининг тарихий хусусиятларидан, шунингдек, миллий ва маънавий қадриятлардан, маҳаллий урф-одатлар ва аъёнлардан келиб чиққан ҳолда, ҳал қилиш борасидаги мустақил фаолияти мамлакатимиз Конституцияси билан кафолатланган. Бу ҳуқуқ шахарчалар, қишлоқлар, овуллар ва маҳаллаларда фаолият юритаётган фуқаролар йиғинлари орқали рўйбга чиқарилмоқда.

Ҳозирги кунда мамлакатимизда 10 мингга яқин фуқаролар йиғини фаолият юритмоқда. Улар илгари маҳаллий давлат ҳокимияти органлари ваколатида бўлган 30 дан ортиқ вазифаларни бажариб келаётди. Хусусан, маҳалла ёшлар орасида тарбиявий ишларни муваффақиятли олиб бормоқда, аҳолининг ҳуқуқий маданиятини юксалтиришга катта ҳисса қўймоқда, аҳоли турмуш фаровонлиги, атроф-муҳитни осяраб-авайлаш, ижтимоий инфратузилмани шакллантириш, қонунийликни таъминлаш, оилавий бизнес ва хусусий тадбиркорликни ривожлантириш билан боғлиқ ҳудуднинг долзарб масалаларини ҳал қилмоқда. Шу билан бирга, маҳалла муҳим давлат дастурларини амалга оширишда ҳам фаол иштирок этаётди. Бугун ижтимоий аҳамиятга эга бўлган масалаларни фуқаролар ўзини ўзи бошқариш органлари иштироки-сиз ҳал қилишни тасаввур этиш кийин.

> [2]

МУЛҚДОР ОИЛА



■ ҲАА сурати.

Рўзғорга қўшимча даромад

бугун оилавий тадбиркорлик билан шуғулланувчи маҳалладошлар сафи тобора кенгаймоқда

Маълумотларга кўра, дунёдаги энг йирик корхоналарнинг 50 фоиздан ортиги оилавий корхоналар негизда ташкил этилган экан. Кичик бизнес ва хусусий тадбиркорликни ривожлантиришга устувор аҳамият берилаётган юртимиз учун ҳам бу соҳа гоят истиқболлидир.

■ **Холбиби САФАРОВА**
«Mahalla»

Зотан, мамлакатимизда меҳнат билан банд бўлган қарийб 12 миллион аҳолининг икки миллиондан ортиги оилавий тадбиркорлик билан шуғулланади. «Оилавий тадбиркорлик тўғрисида»ги Ўзбекистон Республикаси қонуни бу бородаги шарт-шароит ҳамда имконият-

лардан янада самарали фойдаланиш учун муҳим ҳуқуқий асосдир. Мазкур қонун кучга киргач, оилавий тадбиркорликни йўлга қўйган, айниқса, оилавий корхона очиб шунингдек юртдошларимиз сафи янада кенгайди.

— Ҳудудимизда тадбиркорлар сафини кенгайтиришга ҳаракат қилаямиз, — дейди Навбахор туманидаги «Пахтакор» маҳалла фуқаролар йиғинининг Тадбиркорлик фаолияти ва оилавий бизнесни ривож-

лантириш масалалари бўйича комиссия раиси Меликул Жумоев. — Илгари ҳуқуқий комиссиянинг тузилгани соҳадаги ишларнинг жадаллашувида қўл келаётган бўлса, янги таҳрирдаги «Фуқароларнинг ўзини ўзи бошқариш органлари тўғрисида»ги қонуннинг 17-моддасига мувофиқ, маҳаллаимизда «Маслаҳат марказининг ташкил этилиши айни муддао бўлди. Вилоят одлия бошқармаси, «Микро-кредитбанк»нинг Кармана филиали ҳамда туман ҳокимлиги вакиллари марказимиз ишини юритиш боробарида ойда икки марта аҳоли билан учрашувлар ўтказишяпти.

> [3]

ҚОНУН ЛОЙИХАСИ — МУҲОКАМАДА

Жамоатчилик назорати — фуқаролик жамиятининг муҳим мезони



Президентимизнинг мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепциясида юртимизни кучли фуқаролик жамияти сари олиб борувчи бир қатор муҳим қонунлар яратиш масалалари илгари сурилган эди.

■ **Абдумутал АБДУЛЛАЕВ**
«Mahalla»

«Ўзбекистон Республикасида жамоатчилик назорати тўғрисида»ги қонун лойиҳаси ҳам айнан мана шу мақсад сари йўналтирилгани билан муҳим аҳамият касб этади. Лойиҳа бутун мамлакатимизда бўлгани каби Андижон вилоятида ҳам фуқароларнинг ўзини ўзи бошқариш органлари вакиллари ҳамда кенг жамоатчилик т омонидан қизгин муҳокама қилинмоқда.

— Ушбу қонуннинг қабул қилиниши давлат органлари ҳамда мансabdор шахслар фаолияти устидан жамоатчилик назоратини

ҳар томонлама кучайтиришда ҳуқуқий асос бўлади, — дейди «Маҳалла» хайрия жамоат фонди Андижон вилояти бўлими бошқаруви раиси Икромиддин Валиев. — Шунингдек, айрим ҳолларда тадбиркорлар фаолиятига тўққонлиқ қилаётган бюрократик ёндашувлар, хусусан, улар муносабатига ўз вақтида жавоб бермаслик, уларнинг ишига ҳудо-беҳудо ара-лашиш, банклардан кредит олишдаги муам-молар, фермер ҳўжалиқларига моддий-тех-ник ресурсларни етказиб беришдаги сусткаш-ликлар, қишлоқ ва маҳаллалар инфратузил-масини такомиллаштиришдаги камчиликлар-ни бартараф этиш имкониятини яратади.

> [2]

КОМИССИЯЛАР ФАОЛИЯТИДАН

Меҳр кўнгилга таскин, қалбга ором беради

■ **Санобар БОЙМУРОДОВА**
«Mahalla»

— *Яхшиям бахтимга маҳалла-кўй бор экан, ёлғизлашиб кўйишмади. Соғлигим ёмонлашиб, ҳаёт кўзимга қоронғу кўринганида жонимга оро киришди. Айниқса, Ҳуснораҳон худди қизимдай бўлиб қолди. Ҳар кун ҳолимдан хабар олади. Унинг ширинсуханлиги мени ҳаётга қайтарди, — дейди 70 ёшли София Саидниёзова.*

> [2]

МАҲАЛЛАДА САНОАТ

Истиқболли лойиҳалар самараси

Юртбошимизнинг мамлакатимизни 2013 йилда ижтимоий-иқтисодий ривожлантириш яқунлари ва 2014 йилга мўлжалланган иқтисодий дастурнинг энг муҳим устувор йўналишларига бағишлаган Вазирлар Маҳкамасининг мажлисидаги маърузасида саноат маҳсулотлари ишлаб чиқарувчи корхоналарни кўпайтириш, аҳолининг даромади ва фаровонлигини оширишга алоҳида эътибор қаратилди.

■ **Бек НАЗАР**
«Mahalla»

Бундай муваффақиятли ишлар маҳалла ободлиги, аҳоли турмуш фаровонлигининг энг муҳим омилли эканини ўтган йилда эришилган натижалар кўрсатиб турибди. Дўстлик туманидаги Холхўжаев номи маҳалла фуқаролар йиғинида жойлашган «Нурли дон» масъулияти чекланган жамияти —

ёф-мой саноати тизимидаги йирик ишлаб чиқарувчилардан бири. Замонавий технология асосида юқори сифатли ўсимлик ёни тайёрлаётган корхонанинг иқтисодий салоҳияти юксалиб, иш ўринлари сони ортмоқда. Айни пайтда корхонада 350 нафар ишчи меҳнат қилаётди. Уларнинг асосий қисмини туман марказидаги маҳаллаларда истиқомат қилувчи ёшлар ташкил этади.

> [3]



■ ҲАА сурати.

ИНСОН — АЗИЗ, ХОТИРА — МУҚАДДАС

Ўзбекистон, жоним тўшай соянгга

■ **Шуқур ЖАББОР**
«Mahalla»

Бугун Ўзбекистон халқ шоири, марҳум Муҳаммад Юсуфнинг хотирасини эъзозлашга ҳукумат даражасида эътибор қаратишмоқда. Мухтарам Президентимиз Ислам Каримов 2013 йил 27 декабрь кун «Ўзбекистон халқ шоири Муҳаммад Юсуф таваллудининг 60 йиллигини нишонлаш тўғрисида»ги Қарорни имзоладилар. Мазкур ҳужжат миллий адабиётимиз ва маданиятимизни ривожлантириш, халқимиз маънавияти, онгу тафаккурини юксалтириш, ёш авлод қалбига ўзликни англаш, миллий гурур ва ифтихор туйғуларини, эзгу фазилатларни қамол топтириш борасида ёрқин истеъдоди, бетакрор бадиий асарлари, ибратли ижтимоий фаолияти билан катта ҳисса қўшганини инобатга олиб, шоирнинг 60 йиллигини муносиб нишонлаш мақсадида қабул қилинган.

> [4]

